

四明慈溪縣志目錄

卷第一

叙縣

沿革論

風俗

社稷

學校

坊巷

公宇

驛鋪

境土

縣令

城隍

城郭

倉庫務場

官僚

叙山

叙水

渠堰與開橋
梁津渡附

叙產

見郡志

卷第二

叙賦

鄉村

鎮市

田畝

戶口

夏稅

秋稅

酒

商稅

雜賦

職田

邑名

卷二

四明叙兵

弓手

土軍

叙人

見郡志

叙祠

神廟

宮觀

寺院

叙遺

存古

四明慈溪縣志目錄

卷一

卷二

卷三

卷四

卷五

卷六

卷七

卷八

卷九

卷十

卷十一

卷十二

卷十三

卷十四

卷十五

四明志卷第十六

慈溪縣志卷第一

叙縣

沿革論

慈溪縣秦漢以來地屬句章

古句章城在今縣南十五里地名城

山隋開皇九年併餘姚鄞鄞三縣入句章唐武

德四年析句章置姚州鄞州八年廢鄞州為鄞

縣則慈溪實鄞封內地也開元二十六年析鄞

縣置慈溪溪因邑人董黯孝養其母而得名

詳見

水

又因以名縣按唐崔殷撰董孝子廟記云

黠後漢人孝行著于鄉邑和帝召拜郎中不起
歎後世為名族故以董孝名鄉慈溪名縣貞元
中為上縣二十一鄉

皇朝併為五鄉九域志亦為上縣

境土

東西一百里南北九十里

東至定海縣界六十里以梅林涇及雙橋鷓鴣
浦為界

西至紹興府餘姚縣界八十里以桐下湖從浦
至大江為界

南至鄞縣界三十里以鍾乳山及潘嶼嶺孤兒
崗為界

北至秀州海鹽縣界六十里以大海岸中桑嶼
并黃牛山為界

東南到鄞縣界一十五里以西渡江心為界
首至本府三十五里

東北到定海縣界六十里以鴈門嶺為界

西南到紹興府餘姚縣界一百里以楊溪村及
高崑并石門山為界

西北到紹興府餘姚縣界八十里以上林鄉為

界

風俗

邑有董孝之遺風人知孝愛樂循理舊矣

皇朝以來楊公適杜公醇又以行義爲之師表
自是文物益盛王荆公安石有云慈溪小邑無
珍產淫貨以來四方游販之民田桑之美有以
自足無水旱之憂也無游販之民故其俗一而
不雜有以自足故其人畏刑而易治所見之士
亦多美茂易成也

縣令

題名始于 太平興國在唐得七人以冠

其首

房瑄

唐開元中監察御史貶睦州司戶參軍茲溪縣始置遷為令上德化興長利流民來歸校吏引去以治最顯事見唐書李傳及會要併舊志所載民立廟祀之至今縣橋名驄馬以公故也

周頌

閻信美

張濤

周曜

宋革

柳寬

以上皆唐時令見香山智
度寺常寂大師行狀碑

李昭文

皇朝太平
興國八年

張穎

端拱元年為令廉潔自持邑人號為張清
太宗皇帝賜詔獎喻云令長之任得

以施異政而親吾民也爾膺茲
強明勤以奉公廉而守道達于聽覽深所

歎嘉愈宜勵精當俟明陟民立廟
祠之縣有清清閣以公之德名也

聶惟寧

淳化二年

劉昭裔

至道元年

張若訥

咸平元年

段守忠

咸平四年

張守璿

景德元年

龐遵古 景德三年

甯直 大中祥符二年

張汝珪 大中祥符四年

耿防 大中祥符七年

姜成範 天禧元年

胡孝恭 天禧四年

王淑 天聖元年

林濟 天聖四年

牟經 天聖六年

孫知古 天聖九年

虞肅 景祐二年

王利用 景祐四年

李永 康定元年

王永昌 慶曆三年

林肇 慶曆五年

韓鑑 皇祐三年

張直言 至和元年

游烈 嘉祐二年

陳章 嘉祐五年

林汴 嘉祐八年

于存 熙寧元年

汪汲 熙寧四年

李世卿 熙寧六年

李友聞 熙寧七年

盛次仲 元豐初為令雅有文名究心民瘼持身
公介不畏強禦戢吏愛民政多惠利後

為內相

沈誼 元豐四年

崔熙 元豐八年

余廙 元祐二年

張伋 元祐五年

吳最 紹聖元年

陳衡 紹聖四年

石沔 元符三年

王師中 建中靖國元年

黃杞 從事郎 崇寧元年

唐昌期 通仕郎 大觀元年

方巨川 文林郎 政和二年

孫寔 文林郎 政和八年

許之才 儒林郎 政和八年

黃濤 從事郎 宣和二年

陳雲

宣朝奉郎

四年

沈時升

雲川人

宣和末為令誠心撫字愛民如子俗咸化之無敢梗政既去父老請

于官建立祠宇於縣治號沈公堂公即丞相該之父也

林叔豹

字懿文永嘉人少入太學有聲初以宣教郎為令律身廉勤莅事明敏

高宗皇帝大駕南巡過邑禁衛甚眾小縣未易供億宰執素稔其名戒衛士以下母得苛擾邑人尋聞虜寇之至驚惶

逃避有武斷貪悍之夫一二人為民所訟公捕而斬之於是遠近知畏絕剽掠

之患虜酋破明州偽立蔣安義為守虜退叔豹以鄉兵入城杖死安義一郡遂

寧高宗駐蹕臨安召為監察御史

周方祗

從事郎建炎四年

向季仲

右文林郎紹興三年

林公定

右從政郎
紹興六年

趙不匱

左承直郎
紹興九年

畢瑛

右從政郎
紹興十二年

張光

右承直郎
紹興十四年

陳良翰

字邦彥赤城人
紹興十七年以左從
事郎為令經術飾吏事天資高明操尚

介特恢崇風化作成人材吏畏民愛諸
司交薦召除監察御史後為諫議大夫

給事中
子詹事

李彭年

左從政郎
紹興二十一年

張實

左從事郎
紹興二十四年

姚應辰

右文林郎
紹興二十七年

鍾確 右文林郎 紹興三十年

錢萬中 左文林郎 紹興三十二年

蔣葳 右文林郎 乾道元年

吳翼夫 右文林郎 乾道四年

陳壽彭 右承直郎 乾道六年

求承祖 文林郎 乾道九年四月十七日到任

鄭昌言 從政郎 淳熙三年七月初八日到任

莫洸 通直郎 淳熙六年八月二十日到任

縣唐仲温避親兩易離任

唐仲温 奉議郎 淳熙八年正月初八日避親兩易九年八月二十日滿替

徐袞

從政郎 淳熙九年八月二十二日到任

蔣鶚

從事郎 淳熙十一年四月二十六日滿

葛郢

奉議郎 淳熙十二年四月

唐仲展

從政郎 淳熙十六年到任 金華人 政

不擾財賦 自辨難有獄 未嘗妄禁一人

初五日 滿替

柳恂

從事郎 紹熙三年四月初五日到

朱堂

文林郎 慶元二年四月十日

柳說

從事郎 慶元三年五月十一日

石次翁

承直郎 嘉泰三年六月九日到

趙希觀

儒林郎嘉泰二年十月十七日到任嘉定二年十二月初八日滿替

張義和

文林郎開禧二年十二月初八日到任嘉定二年十二月二十七日滿替

溫膚公

文林郎嘉定二年十二月二十四日到任六年二月二十四日滿替

俞昌言

迪功郎嘉定六年二月二十四日到任九年三月初二日離任

邊烈

文林郎嘉定九年四月初四日到任十一年四月二十七日離任

趙崇遠

從政郎嘉定十二年五月二十日到任十五年正月二十八日離任

虞詵

儒林郎嘉定十五年六月十六日到任寶慶元年七月二十七日滿替

周符

儒林郎寶慶元年七月二十八日到任紹定元年十月二十七日滿替

畢諫

儒林郎紹定元年十月二十八日到任有旨改令為京官關紹定二年六月十八日離任

留晞祖

宣教郎以制帥胡尚書具申朝廷改令為京官關紹定二年十一月十三日到任

五年十二月
月滿替

葉汝明

奉議郎紹定五年十二月初四日到
任至端平二年五月初三日不祿

張約之

承議郎端平二年九月初十日到任
嘉熙二年九月初九日滿十月初十日內除監榷貨務

王致遠

奉議郎嘉熙三年十月二十八日到任
嘉熙四年十二月二十九日離任

吳溥

宣教郎淳祐元年正月二十八日到任
至淳祐二年二月初二日離任

曹郃

宣教郎淳祐二年四月廿五日到任
至淳祐五年五月初一日滿替

季鏞

通直郎淳祐五年五月初一日到任
至淳祐七年十一月十七日丁母艱

衛枏

承議郎淳祐八年四月初八日到任
至淳祐十年二月初三日離任

陳灼

宣教郎淳祐十年二月二十六日到任
至淳祐十一年四月初五日離任

陳桂

朝奉郎淳祐十二年二月初三日到任
恩賞磨勘轉朝請郎實祐三年三月三日滿替

社稷

壇在縣西南一百步

皇朝建炎二年令林叔豹始建齋宮久而圯

紹興二十一年令陳良翰重建 嘉定八年令

俞昌言重修

城隍

廟在縣西四十步

縣學

學舊在縣西四十步

皇朝雍熙元年縣令李昭文建

先聖殿居其中

端拱元年令張頴記

慶曆

八年令林肇徙建於縣治之東南一里鄞縣宰

王公安石記之貽書招邑之宿學杜醇為諸生

師 建炎四年金寇至學燬 紹興十二年令

畢瑛草創殿宇齋舍久而弗支 淳熙四年節

度推官宋南強攝邑以勸里士陳公達首倡義

大成殿輪奐一新齋舍門廡庖湑次第成於後

政之手而率先之者宋也八年令唐仲溫始落

其成講堂舊曰尊道至是改曰成德堂之後有

直舍曰橫經四齋曰本仁曰明義曰約禮曰崇

智 慶元元年令朱堂於泮池外建墻門六扉
左日右月 開禧二年漕檄尉施子升重修尚
書樓公鑰記 淳祐二年郡守祕撰陳公塏發
錢米下縣委令曹郃爲慈湖楊先生簡荆祠堂
于成德堂之右祠成令以告于郡於是朝奉郎
主管建康府崇禧觀天台鄭霖作記先生之姪
愉書丹邑人朝奉大夫直寶章閣桂萬榮書蓋
祭噐一百九十六件

祭服三副

錢糧

田三百九十二畝一角二十二步

地二十八畝二角四步

山六畝二角六步

歲收

米一百八十二碩九斗二升五合

穀一百一十三碩九斗

租錢四十七貫三十文

賃錢日收一百一十二文

城郭

縣城周圍五百六十丈

坊巷

興賢坊

舊曰崇儒在縣學西今趙希觀更立

狀元坊

為武舉魁胡應時立

丞賢坊

崇孝坊

縣令虞說立

倉庫務場等

縣倉

縣西南三十步舊屋十間今存其二一貯官兵俸料米一貯義倉米

諸色官錢庫

縣治東廊元年令周符重建

酒稅務

縣城東南二里淳化七年置

鳴鶴鹽場

縣西北六十里熙寧六年十月置

教場

縣城東北中有閱武亭崇建令于庭式記後廢

靖康元年尉劉慶元三年令朱

堂尉朱應祥重建更名眾整里士嚴蒙記

居養院 縣東南二里 元符元年建

安濟坊 縣東南二里 崇寧二年建

漏澤園 縣西南三里 崇寧三年建

公宇

縣門 上為勅書樓 宣和初令黃濤建 寶慶三年 北于風令周符新之樓凡五間守

胡渠為扁縣名於外門內涉級而上

中門 雍熙元年令李昭文重建 寶慶三年 周符新之門旁有兩翼門內列兩廡

縣聽 李昭文重建 紹定元 年周符於聽後創小樓

縣堂 正聽之東 元 祐初令崔熙建

明恕堂 東廡之東 李昭文建 紹興六年令林 定重修扁製錦 慶元 初令朱堂重建

縣獄

西廡之西舊苦隘而新之

定元年令周符關而新之

清清閣

直正聽後小樓之

淳化中建立以縣

環碧石亭

清閣之後出縣城之北臨池

乾道

擁青軒

縣堂之後隆興元

又廢重建紹興府理掾王休記之

攬秀亭

擁青軒之後紹定元年令周符

重慶元年五年令抑

麗澤亭

縣治之前紹興初橋上築亭上有樓

陰陽家以為縣無按山此樓即前按也

蒙亭

大寶山之麓創自

熙寧以前泉清甘宜

建炎兵燬

紹興三十一

周符重建

寶慶三年

周符重建

鍾確重

茶名寶泉亭

紹興十七年

陳良

翰重建改今名
羅昭叔記今廢

濯纓亭

縣治東
南今廢

迎麾亭

縣治西
南二里

承流亭

縣治東南二里
迎麾承流二亭皆創
自縣初監司郡守經歷送迎之所也

官僚

丞

邑舊有丞
月置

崇寧五年省罷

紹定二年正

尚書省劄子煥章閣學士通議大夫知慶元
軍府事兼沿海制置使胡榘狀竊見本府慈
谿縣繇唐正元以來標為上縣
皇朝太平興國中置令距今三百餘年自南
度以來衣冠日盛戶口日繁今主客二萬餘
戶計一十五萬六千三百餘口為田四十六
萬九千一百餘畝夏秋二稅官物繁多寔為
壯縣然本縣今只部注令一員又無丞佐可

以禪贊連季簿尉非才邑政未免多闕財賦
多有失陷本府不容坐眎伏覩

嘉定吏部條法諸縣及萬戶注丞一員今慈
谿縣戶口繁多踰二萬戶所宜置縣丞一員

以共理民事證得定海縣主客纜一萬九千
餘戶計五萬五千餘口為田三十五萬餘畝

夏秋二稅視慈谿縣反少而今丞並置一邑
之事得佐官以協理今慈谿置丞不為冗員

惟是荆置一官則有一官之費若令一邑遠
爾增費則恐事力不支本府契勘三酒務監

官舊各係雙員昨來權府程提刑覃申請省
罷都酒務比較務官各一員就奉化縣鮑琦

鎮置鎮官巡檢二員而贍軍務尚存雙員今
三務既合為一若各官一員自可輪流管幹

欲乞朝廷特賜敷
奏許從所乞省罷贍軍務監官一員於慈谿

縣置縣丞一員特許本府選辟一次日後作
吏部使闕但慈谿縣既置丞則縣令合行改

作京官員闕庶幾事權增重百里有賴併乞

降旨 旨揮吏部施行其慈谿縣令并贍軍酒務見
任人且令終蒲差下人令赴部別行注授伏
乞

明降旨揮下本府施行申
聞事正月九日奉

聖旨令吏部將慶元府慈谿縣添置縣丞一
員就令本府選辟一次仍令贍軍務監官一
員省罷其見任人許令終蒲已差下人赴部
別行注授餘依

主簿

聽事縣城東南本丞廳
淳熙八年張博文重

建勤畏堂王中行建臨香亭
紹興二十四
年李丙建後政改扁不一
嘉定十年天台

劉快奉其兄闕風逸民俊偕至改曰聽雨慈
川遺民劉叔温記簿廳有水利記四縣尉成

立尚書汪大猷著作郎倪
思湖州校官王休所撰也

尉

聽事縣城東南
雍熙元年建東為頤堂尉
畢仲荀記園有三友亭後改雨香今名華綠

又有無我亭永嘉翁
忱建有記今改勁節

監酒稅 聽事縣東南一里 皇
朝慶曆八年建今廢

監鳴鶴鹽場 縣西北六十里邊海之處 皇朝
熙寧六年十月建兼巡檢主管煙

火公事巡捉私茶鹽礬香等
寶慶二年有旨選辟文資

鳴鶴寨巡檢 皇朝政和七年置
於金僊院駐劄

驛鋪

鳧磯驛 縣南一里唐開元中令房瑄建以川多
鳧鴈故名 皇朝元豐中令崔熙重建

左太中大夫周鏐記 廷炎兵燬
紹興十七年令陳良翰重建

丈亭館 縣西四十五里夏侯曾先地志云丈亭
是老尉驛宇築方丈室故曰丈亭老尉

乃古之軍令尉今館北有老尉濟是其
跡矣吳越錢氏改為上亭後廢 慶元

五年尉關嶠重建斥而大之嘉定間
今邊烈又關地築小館於亭北亭前建

小軒三間古有留題詞云潮生浦口雲
潮落沙頭樹潮本無心落又生人自來

還去今古短長亭送往迎來處老盡東
西南北人亭下潮如故又慈川逸民詞

雲南山明北山明中有長亭號文亭沙
邊供送迎東江清西江清海上潮來兩

岸平行人分棹行又僧義銛詩云青山
歷歷映江流半是明州半越州亭下寒

潮亭上客不知
來往幾時休

西門鋪 縣治西西至甲山鋪二十五
里東至西渡鋪一十五里

西渡鋪 界首東至蕪縣景安鋪一
十五里又至本府二十里

甲山鋪 金川鄉西至漁
溪二十五里

漁溪鋪 漁溪坊前西至紹興
府桐下鋪二十五里

叙山

四明山自越地跨縣境以至于鄞詳見郡志

塔山縣東南三里陰陽家謂縣之青龍山

大寶山縣西南二里陰陽家謂縣之白虎山山

南有泉極清甘名大寶泉

句餘山縣西南二十五里句章餘姚在此山之

東西蓋因山以名縣也山海經云此山多金

錫少草木

成溪山縣西南三十五里晉孫恩盧循據嶺表

作亂繇海道入寇劉牢之禦之屯兵於此故

其山以成爲名也

東澄山縣西南三十五里

五馬山縣西南六十里

三女山縣西南六十里者耆老相傳云昔有三女
浴於江次忽爲霆擊化爲三峯亭亭相望因
以名之

大隱山縣南三十里夏侯曾先地志云大隱山
口南入天台北峯爲四明東足乃謝康樂煉
藥之所也晉虞喜三召不就遁迹此山因以
爲名

三過山縣南十五里山勢孤峻下臨江濱潮水
縈回舟人理棹嘗倦於經過雖一過猶三過
焉故以爲名也

鼈子山縣南五里山形似鼈

抱子山縣東南十里山勢宛轉盤泊如龍虵抱
子之狀

橫山縣東南十里

驃騎山縣東三十里會稽典錄云漢世祖時張
意爲驃騎將軍其子齊芳歷中書郎嘗隱於
此故以爲名俗呼爲馬鞍山乃州之後坐山

也

關峯縣東北二里吳太子太傅關澤居其下取其姓以名之

香山舊名大蓬山又名達蓬山縣東北三十五

里山峯有巖高四五丈狀如削成有石穴深

三丈其巖有三佛跡或云上多香草故以為

名又云秦始皇至此欲自此入蓬山故號達

蓬山下有智度寺石湖范居士嘗有詩云抖擻軒裳一闌塵任教空翠滴烏巾老身已

到籃輿上慶處
青山是故人

桑嶼山縣北六十五里

東向山縣北六十里

黃牛山縣北六十里

筭嶼山縣北六十里

若嶼山縣北六十里

浪港山縣北六十里

石塘山縣北四十五里

向頭山縣西北八十里海濱亦名西龍尾東望

伏龍山與龍頭迤龍頭以東屬定海龍尾以

西屬餘姚各有海塘塘每為潮所損二山杆

潮其中漲塗漸與山相接古有海塘閘柱屹

然中存今盡爲漁鹽之地已成畎畝者禾黍
菽麥彌望昔以海邑之衝欲於此置寨屯兵
尋以舟楫難於出入故寢

鳴鶴山縣西北六十里耆老相傳云昔有鶴栖
於此山一旦飛鳴冲天而去

漁溪山縣西北五十里

五磊山縣西北三十五里上有五峯磊磊相比
如聚米所成人謂五磊雲興則雨常以爲候
朱墓山縣西六十里宋台州刺史朱蕤葬此山
埋馬山縣西六十里夏侯曾先地志云秦始皇

遊海至此馬斃埋之故以爲名

雨徵山縣西五十五里舊名龍山上有雲氣即
降雨澤邑人常以此爲候或云本是雨徵山
避廟諱故改徵爲微

夜飛山縣西四十五里其山生甘草仙藥者
相傳云此山自蜀夜飛而來蜀客見而識之
因以爲名

鳳凰山縣西四十五里文亭之東其形如鳳與
龍山對峙

龜子山縣西四十里山形似龜

城門山縣西三十里宋城門校尉會稽從事陳詠葬此山因以為名

虎胛山縣西三十里山形聳踞如虎胛隋大業中嘗令鑿山西南斷跡猶存

鳳巖山縣西三十里山形似鳳

仙雞山縣西二十五里夏侯曾先地志云上有石井石床又有銅瓶皆非人力所能舉旁有石雞俗云是扶桑雞飛下因以為名

赭山縣西八里土色正赤故曰赭山

叙水

渠堰碑闌橋
梁津渡附

水

慈溪縣南三十里與大隱山接本曰大隱溪里有董黯生後漢時性篤孝母寢疾好飲此溪水每思之恐不常得黯遂築室溪濱板輿就養厥疾乃痊因名溪曰慈溪後乃以名縣

江源于紹興餘姚之太平山東來至丈亭乃分爲二大江由鹹池歷西渡經府治之北入海小江貫縣中出東郭至西渡又與大江會率隨潮進退大江乘潮多風險故舟行每由小

江

文溪縣東北十五里受衆山之水色清有文故
以爲名溪上有小市舟行通定海

漁溪縣西四十五里舊說有清潭虛澗竹木連
繞清澄徹底鱗介不能潛其形漁者利之故
名

藍溪縣西南六十里自發源流出江際夾岸藤
蘿色深可染因以名之

普濟湖縣東北一里唐開元令房瑄開鑿之以
溉民田吳太子太傅闕澤德潤居之謂之德
潤湖近歲寶謨閣學士楊簡敬仲居之謂之

慈湖

花墅湖縣東南一十里古有小塘渚水唐正元十年刺史任侗勸民修築灌溉田疇中有小墅春花明媚多於衆山故名湖多魚及蓴菱並湖之人資以爲利

姜湖縣東南十里本姜氏捨田一頃以爲湖民資灌溉

孫湖縣東南一十五里西嶼鄉溉田頗多或謂湖多香蓀故名蓀湖訛而爲孫

杜湖縣西北六十里古有湖趾唐刺史任侗重

加浚築鳴鶴一鄉之田仰灌溉俗號第二

天 皇朝慶元初主簿周常募衆開築湖

修治硤閘爲利尤博著作郎倪思記之

白洋湖在鳴鶴鄉唐景龍中餘姚縣令張辟

修築

雞鳴湖在金川鄉昔又謂之仙雞湖任侗修
今廢爲田

雲湖在金川鄉任侗修築今廢爲田

鳳凰湖在金川鄉今廢

永明湖縣西二里今廢

大寶泉縣西二里永明寺西山下水性輕清味

甘色白宜烹茶大旱不涸新昌石麟之嘗銘

其異代郡畢仲荀篆書字畫奇古為時所重

永昌潭舊名黃茂潭縣西南四十里至道宮之

上唐天寶二年明皇遣使投金龍密以朱筆

記其左肋繼而雨降明皇目覩行雨龍左肋

下有朱畫及有大寶永昌四字謂臣寮曰此

四明山所投之龍暨使回奏投潭之始即泛

出黑漆木板尺餘有金書大寶永昌四字遂

賜官名大寶潭名永昌餘見潭之北五里

小五
有獅子潭禱雨必應上有石屋一所所有獅子
足跡并仙人藥臼潭下有石臺三層高數丈
鄉名石臺以此

湍水巖潭在石臺鄉溪上近白巖院曩因旱禱
雨未獲有老父坐水濱石上語行人曰曷不
於此祈請令張義和亟禱之得小蛇以歸雨
隨至其後縣家禱祈多應遂建龍王祠有記
北雪潭縣之德門鄉去縣三十里

烏石潭縣之西嶼鄉去縣十里

白龍潭縣東南七里花墅湖上水出山石間

天井潭縣西北二十里以上諸潭皆禱雨靈應之所

渠堰碑關

金敷堰

沈忠堰

前莊堰

茆風堰

風林堰

方盈堰

新堰

丁堰

齊拱堰

唐支堰

王沙堰

里溪堰

里溪關

倪家堰

梅林堰

李家浦堰

猪欄堰

清林堰

鱗浦堰

大杜湖堰

虞莊堰

詹家堰

胡卿堰

小杜湖堰

祝家浦堰

塘頭堰

李溪開瀦文溪香山之水以溉民田隳廢歲久
紹熙四年通判陳耆壽邑簿胡大猷募民重
建爲利甚博尚書汪大猷記之

右德門鄉

彭山開彭山堰縣之西北有水出羣山間迤而
東來未至縣五里所抵彭山而入于江瀕江
有閘瀦水以備旱霖潦則泄之歲久閘廢水
無所蓄潮入河淤 淳熙十三年主簿趙汝

積勸率鄉人允田于西者畝出錢三百徹故
閘址悉以石爲之長十有一尋廣四尋中闊
丈有二尺扁以層版使便啓閉西鄉之田受
利旣博復修斗門比舊基有加焉通下流賢
邑中因舊河而浚之廣一丈五尺深七丈中
廣二丈六尺深如之舟楫通行邑下之田亦
資灌溉

橫山堰

梨木堰

抱子閘

胡家港閘

上下南洋閘

虞氏白洋堰

沈家堰

門家堰

孔家堰

岑徑堰

徐家堰

戴家堰

枝浦堰

徐洋閘

磚窰堰

馬家堰

洪家堰

壇林堰

陳童堰

梁家橋堰

茅砧碶

右西嶼鄉

沈婆閘

沈婆堰

麻車閘

石砣閘

謝家堰

薛家堰

新河堰

朱童堰

椿浦堰

邵徑堰

應堰

葛塔堰

金家堰

蜆浦堰

東堰

則水新堰

余家堰

廊野堰

鳥山堰

張押直堰

洪家堰

周家堰

楊家堰

牛欄堰 十五都

沈家堰

施虎廟堰

沈家渡堰

牛欄堰 十六都
茶浦堰

蔡家堰

朴木閘

茭徑堰

洪莊堰

下洋西堰

戴家堰

右石臺鄉

西碛閘

新界堰

右金川鄉

古窰閘

雙河塘鳴鶴鄉與餘姚之上林鄉同一河上林
之水泛溢則流入鳴鶴每年苦澇 乾道九
年里人曹閱捐錢二千緡倡率鄉豪益以二
千緡創建雙河界塘六百餘丈自是截斷西
流鳴鶴之田遂為膏腴

大理渠縣南五里通積水灌高鄉之田
戴鄰堰元在花聖湖

海塘石砌閘濱海為塘以禦風潮雨水泛溢則
決之于海既決復塞民費且勞

皇朝嘉祐二年縣令游烈尉成立率民為閘
澮泄以時民得耕稼自是一鄉無復水旱之
患

右鳴鶴鄉

橋梁

驄馬橋

有屋三間在縣南一里唐開元二十六年
令房瑄建瑄先是為監察御史故邑

人以是名之
修 建炎燬于兵 皇朝治平三年令于存
紹興十六年令張

光重建後復摧圯近歲
邑人募眾修飾如舊觀

德星橋

縣西南一里半有屋二間南北有亭唐
正元九年建以密邇大寶山名大寶橋

後改今名 皇朝熙寧元年令于存修
建炎燬于兵 紹興十四年令張光再

建復圯 紹熙元年
沈氏居重修如初

無擇橋

縣之金川鄉招義村唐孝子張無擇廬
父墓日建後人因以名之今呼為吳石
橋聲之
訛也

開禧橋

舊名夾田在縣東南三里接驛路往來
之種 皇朝皇祐二年建 紹興八年
令林定重建邑士李端民記久復圯
開禧元年令趙希觀易而大之遂即改

元之號
以為名

鮑約橋

縣之德門村五代末有鮑侍中
約居此建橋後人因以為名

王子橋

縣西十里金川鄉雲山里故老相
傳後漢王脩之子建遂以為名

津渡

黃墓渡

縣西南石臺鄉
去縣三十里

李溪渡 縣東南德門鄉 去縣四十里

青林渡 縣東南德門鄉 去縣三十五里

任家渡 縣東南西嶼鄉 去縣二十五里

鶴浦渡 縣南西嶼鄉 去縣一十五里

赭山渡 縣南西嶼鄉 去縣一十五里

沈家渡 縣西南石臺鄉 去縣三十五里

丈亭渡 縣西南金川鄉 去縣五十里

吳翁渡 縣西南金川鄉 去縣五十五里

蜀山渡 縣西南金川鄉 去縣六十三里

東南渡 縣西南渡續 去縣一十五里

小形

慈溪志一

二五

方

城山渡 縣西南十五里

車既渡 縣西南四十里

叙產 已具郡志



慈溪縣志卷第一



